

# 《般若波羅蜜多心經》

壹、經題

貳、譯者

參、經文

(壹) 序分 (五圓滿)

一、通序 (共通背景) : (六成就)

(一) 信成就

如是

(二) 聞成就

我聞，

(三) 時成就 [時間圓滿]

一時，

(四) 主成就 [導師圓滿]

薄伽梵

(五) 處成就 [處所圓滿]

住王舍城鷲峰山中，

(六) 衆成就 [眷屬圓滿]

與大苾芻眾，及諸菩薩摩訶薩俱。

二、別序 (不共背景) : 本經因緣 [教法圓滿]

爾時，世尊等入甚深明了三摩地法之異門。

觀自在菩薩，行深般若波羅蜜多時，照見五蘊皆空，度一切苦厄。

復於爾時，觀自在菩薩摩訶薩，行深般若波羅蜜多時，觀察照見五蘊體性，悉皆是空。

(貳) 正宗分：抉擇經義

一、問答：以問答方式，進行抉擇

(一) 舍利子問

時具壽舍利子，承佛威力，白聖者觀自在菩薩摩訶薩曰：

「若善男子，欲修行甚深般若波羅蜜多者，復當云何修學？」

(二) 觀自在答

〔一〕略說般若修法

作是語已，觀自在菩薩摩訶薩答具壽舍利子言：

「若善男子及善女人，欲修行甚深般若波羅蜜多者，彼應如是觀察，五蘊體性皆空。」

〔二〕廣說般若體性

〈一〉基般若

一、四合空性

舍利子，

色不異空，空不異色，

色即是空，空即是色。

受想行識，亦復如是。

色即是空，空即是色，

色不異空，空不異色；

如是受想行識，亦復皆空。

2.7 甚深法

舍利子，

是諸法空相，  
不生不滅，不垢不淨，不增不減。

是故舍利子，  
一切法空性、無相，  
無生、無滅，無垢、離垢，無減、無增。

## 〈二〉道般若

### 一. 凡聖共法

#### (一) 五蘊

是故空中無色，無受想行識；

舍利子，是故爾時空性之中，無色、無受、無想、無行，  
亦無有識。

#### (二) 十二處

無眼耳鼻舌身意，無色聲香味觸法；

無眼、無耳、無鼻、無舌、無身、無意，無色、無聲、無  
香、無味、無觸、無法。

#### (三) 十八界

無眼界，乃至無意識界。

無眼界，乃至無意識界。

### 2. 聖道特法

#### (一) 十二緣起

無無明，亦無無明盡，乃至無老死，亦無老死盡。

無無明，亦無無明盡；乃至無老死，亦無老死盡。

(2) 四聖諦

無苦集滅道。

無苦、集、滅、道。

〈三〉果般若

無智亦無得。

無智、無得，亦無不得。

〔三〕宣說般若功德

〈一〉般若證悟功德

一.菩薩

以無所得故，菩提薩埵，依般若波羅蜜多故，心無罣礙。無罣礙故，無有恐怖。遠離顛倒夢想，究竟涅槃。

是故舍利子，以無所得故，諸菩薩眾，依止般若波羅蜜多。心無障礙，無有恐怖，超過顛倒，究竟涅槃。

2.諸佛

三世諸佛，依般若波羅蜜多故，得阿耨多羅三藐三菩提。

三世一切諸佛，亦皆依般若波羅蜜多故，證得無上正等菩提。

〈二〉般若大咒功德

一、大咒妙用

故知般若波羅蜜多，是大神咒，是大明咒，是無上咒，是無等等咒。能除一切苦，真實不虛，故說般若波羅蜜多咒。

舍利子，是故當知般若波羅蜜多大密咒者，是大明咒，是無上咒，是無等等咒，能除一切諸苦之咒，真實無倒。故知般若波羅蜜多，是秘密咒。

二、正說咒語

即說咒曰：

揭諦揭諦，波羅揭諦，波羅僧揭諦，菩提薩婆訶！

即說般若波羅蜜多咒曰：

唵帝唵帝，波囉唵帝，波囉僧唵帝，菩提莎訶。

〔三〕總結：教誡應修

舍利子！菩薩摩訶薩，應如是修學甚深般若波羅蜜多。」

二、印許：佛陀認可，遣除衆疑

爾時世尊從彼定起，告聖者觀自在菩薩摩訶薩曰：

「善哉！善哉！善男子！如是如是。如汝所說，彼當如是修學般若波羅蜜多。一切如來，亦當隨喜。」

（參）流通分：隨喜讚歎

時薄伽梵說是語已，具壽舍利子，聖者觀自在菩薩摩訶薩，一切世間天、人、阿蘇羅、乾闥婆等，聞佛所說，皆大歡喜，信受奉行。